

801

Gradonačelnik, na temelju Članka 23. stavka 1. točka 1. Zakona o izvršnoj vlasti Brčko Distrikta BiH («Službeni glasnik Brčko Distrikta BiH», broj: 2/00, 5/01, 9/01, 12/01, 16/01, 17/02, 8/03, 14/03, 31/04 i 40/05), u smislu Članka 16. stavka 4. Zakona o zaštiti zraka Brčko Distrikta BiH («Službeni glasnik Brčko Distrikta BiH», broj: 25/04) na prijedlog Odjela za javne poslove, broj: 03-052-000369/06 od 01. 02. 2006. godine na 20. Redovitoj sjednici Vlade Brčko Distrikta BiH održanoj 08. 05. 2006. godine, d o n o s i

P R A V I L N I K **O OGRANIČAVANJU EMISIJE U ZRAK** **IZ POSTROJENJA ZA SPALJIVANJE BIO-MASE**

Članak 1. **(Predmet)**

Ovim Pravilnikom uređuje se ograničenje emisije u zrak iz postrojenja za spaljivanje bio-mase u stacionarnim postrojenjima.

Članak 2. **(Definicije pojmova)**

Pod bio-masom se podrazumijeva masa biljnoga ili životinjskoga podrijetla u bilo kom obliku i stanju, a pogodna da se koristi kao energent (gorivo).

Pod postrojenjem za spaljivanje bio-mase podrazumijevaju se ložišta koja su projektirana i izgrađena ili su naknadno rekonstruirana sa namjenom za:

1. spaljivanje fosilnih goriva uz mogućnost suspaljivanja bio-mase,
2. spaljivanje fosilnih goriva gdje se povremeno može vršiti spaljivanje bio-mase i
3. isključivo spaljivanje bio-mase.

Članak 3. **(Ložišta za spaljivanje)**

Ložišta iz članka 2. ovog Pravilnika se mogu koristiti za spaljivanje bio-mase samo ako se primjenjuje tehnologija sagorijevanja na način kako je to propisano od strane isporučitelja ložišta.

Članak 4. **(Korištenje bio-mase)**

Bio-masa koja se koristi kao energent mora biti u takvom obliku (npr. klade, cjepanice, trijeske, palete, piljevina,...) i stanju (npr. vlažnost), kako je to predviđeno napatkom za korištenje ložišta dobijenom od isporučitelja postrojenja za spaljivanje.

Zabranjeno je spaljivanje bio-mase onih vrsta, oblika i stanja za koje ložište nije projektovano i isporučeno.

Nije dozvoljeno korištenje bio-mase onih vrsta, oblika i stanja koji zadovoljavaju zahtjeve iz stavka 2. ovog članka, ukoliko su otpad iz tehnoloških procesa i sadrže primjese koje mogu biti izvori emisija koji nisu primjereni za pravilno sagorijevanje bio-mase (na primjer: impregnirano drvo, lakirano drvo ...).

Članak 5. **(Granične vrijednosti emisije)**

Granične vrijednosti emisije iznose:

- 1) za prah:
 - za postrojenja od 5 MW ili više 50 mg/m³
 - za postrojenja ispod 5 MW 150 mg/m³
- 2) za ugljen-monoksid: CO: 0,25 mg/m³

3) za organske spojeve: 50 mg/m³ izraženo kao ugljik. Emisione vrijednosti se odnose na računski sadržaj kiseonika od O₂ od 11%.

Boja dimnih gasova na izlasku iz dimnjaka ne može biti veća od iznosa 1 skale po Ringelmanu.

Članak 6. **(Provjera emisije)**

Ispunjavanje uvjeta iz članka 4. ovog Pravilnika se vrši provjerom emisije iz pogona za spaljivanje/ložišta na način i u rokovima utvrđenim u Pravilniku o monitoringu emisije zagađujućih materija u zrak.

Izuzetno, od odredbe stavka 1. provjera emisije se ne mora vršiti za postrojenja za spaljivanje/ložišta snage ispod 250 kW, ukoliko operator raspolaže vjerodostojnom ispravom o zadovoljenju graničnih vrijednosti emisije iz članka 5. ovog Pravilnika dobijenom od strane isporučitelja ložišta suglasno članku 16. Zakona o zaštiti zraka («Službeni glasnik Brčko Distrikta BiH», broj: 25/04).

Članak 7. **(Provjera emisije po Pravilniku o monitoringu emisije zagađujućih materija u zrak)**

Ukoliko inspektor za zaštitu okoliša mjerenjem metodom po Ringelmanu, utvrdi da postrojenje za spaljivanje/ložište iz članka 6. ovog Pravilnika prekoračuje vrijednosti utvrđene u članku 5. ovog Pravilnika, može narediti da se izvrši provjera emisije na način utvrđen u Pravilniku o monitoringu emisije zagađujućih materija u zrak.

Članak 8. **(Nadzor)**

Nadzor nad primjenom ovog pravilnika vrši Odjel za javne poslove, Vlade Brčko Distrikta BiH.

Članak 9. **(Stupanje na snagu)**

Ovaj Pravilnik stupa na snagu osmog dana od dana objavljivanja u «Službenom Glasniku Brčko Distrikta BiH».

Br o j: 01-014-005758/06
Brčko, 09.05.2006.godine

GRADONAČELNIK
Mirsad Đapo, dipl. pravnik, v.r.

802

Gradonačelnik Brčko Distrikta BiH, na temelju Članka 23. stavka 1. Zakona o izvršnoj vlasti Brčko Distrikta BiH ("Službeni glasnik Brčko Distrikta BiH", br. 2/00, 5/01, 9/01, 12/01, 16/01, 17/02, 8/03, 14/03, 31/04 i 40/05), u smislu Članka 30. Zakona o zaštiti zraka Brčko Distrikta BiH („Službeni glasnik Brčko Distrikta BiH“, broj : 25/04), a na prijedlog Odjela za javne poslove, broj : 03-052-000369/06 od 01. 02. 2006. godine, na 20. Redovitoj sjednici Vlade Brčko Distrikta BiH održanoj 08. 05. 2006. godine d o n o s i :

P R A V I L N I K **O UVJETIMA ZA RAD POSTROJENJA ZA SPALJIVANJE** **OTPAD**

I. OPĆE ODREDBE

Članak 1. **(Predmet)**

Ovim Pravilnikom uređuju se uvjeti za rad i mjere za reguliranje emisija u zrak, tlo, površinske i podzemne vode i rizik po ljudsko zdravlje iz postrojenja za spaljivanje i suspaljivanje otpada.

Članak 2. **(Definicije pojmova)**

U smislu ovoga Pravilnika, slijedeći izrazi imaju značenja:

1) »otpad« znači sve materije ili predmete koje vlasnik odlaže, namjerava odložiti ili se traži njihovo odlaganje sukladno sa jednom od kategorija otpada navedenoj u listi otpada i ustvrđenoj u sprovedbenom propisu;

»opasan otpad« je svaki otpad koji je ustvrđen međunarodnom konvencijom i posebnim propisom, a ima jednu ili više karakteristika koje prouzrokuju opasnost po zdravlje ljudi i okoliš po svom podrijetlu, sastavu ili koncentraciji, kao i onaj